

თვითმართველ ქალაქ ზუგდიდის მუნიციპალიტეტის ა.ა.ი.პ. „კეთილმოწყობის ცენტრი“ (შემდგომში „დამკვეთად“ წოდებული), მისი დირექტორის გ. ცაფას სახით, ერთის მხრივ და საქართველოს შინაგან საქმეთა სამინისტროს საჯარო სამართლის იურიდიული-პირი დაცვის პოლიციის დეპარტამენტის სამეგრელო-ზემო სვანეთის რეგიონალური დაცვის პოლიციის სამმართველო (შემდგომში „დაცვად“ წოდებული), მისი უფროსის, პოლიციის პოლკოვნიკის მერაბ ლიპარტიას სახით, მეორეს მხრივ, ვდებთ წინამდებარე ხელშეკრულებას შემდეგზე;

მუხლი 1. ხელშეკრულების საგანი

1.1. „დაცვა“, უზრუნველყოფს თვითმართველ ქალაქ ზუგდიდის მუნიციპალიტეტის ა.ა.ი.პ. „კეთილმოწყობის ცენტრი“-ს პარკ-ატრაქციონის საპოლიციო ძალებით საზოგადოებრივი წესრიგის დაცვას (შემდგომში „ობიექტად“ წოდებული), რომელიც მდებარეობს მისამართზე: ქ. ზუგდიდი, გრ. ქობალაის ქუჩაზე.

1.2. „დამკვეთი“ იღებს ვალდებულებას „დაცვას“ გადაუხადოს დაცვის მომსახურების ღირებულება წინამდებარე ხელშეკრულების მე-5 მუხლის მოთხოვნათა მიხედვით;

მუხლი 2. მხარეთა ვალდებულებები

2.1 „დამკვეთი“ დაცვისაგან შეთავაზებული ინსტრუქციების გათვალისწინებით უზრუნველყოფს ობიექტზე უწყვეტ კავშირს და ელექტრო ენერგიის შეუფერხებელ მომარაგებას.

2.2 „დამკვეთი“ გადასცემს ხოლო „დაცვა“ იღებს ვალდებულებას დაიცვას საზოგადოებრივი წესრიგი ქალაქ ზუგდიდი პარკ-ატრაქციონის 4 (ოთხი) დაცვის უმცროსი ინსპექტორის სამტატო ერთეულით 24 საათიანი დაცვის რეჟიმით;

2.3 ობიექტის ტექნიკური გამაგრების მიზნით „დაცვა“ „დამკვეთთან“ თანდასწრებით აწარმოებს ობიექტის მოკვლევას, რა დროსაც დგება სათანადო აქტი შესასრულებელი სამუშაოების მითითებით, რომლის შესრულება სავალდებულოა „დამკვეთისათვის“.

მუხლი 3. დაცვის პასუხისმგებლობა

3.1. „დაცვა“ უზრუნველყოფს „დამკვეთი“-ს ქალაქ ზუგდიდი პარკ-ატრაქციონის ტერიტორიაზე საზოგადოებრივი წესრიგის დაცვას.

3.2. „დაცვა“ თავის უფლებამოსილების ფარგლებში ხელს შეუწყობს „დამკვეთს“ სამსახურის შესრულებაში.

3.3. „დაცვა“ უფლებამოსილია მის დაქვემდებარებულ ტერიტორიაზე მოუწოდოს ნებისმიერ პირს დისციპლინისაკენ, მისი დარღვევის შემთხვევაში;

3.4. „დაცვა“ პასუხისმგებლობას არ კისრილობს მატერიალურ ზარალზე.

3.5. „პოლიციის შესახებ“ კანონის მოთხოვნათა შესაბამისად კეთილსინდისიერად შეასრულოს დაკისრებული მოვალეობები;

3.6. განახორციელოს ყველა კანონიერი ქმედება დასაცავ ობიექტზე საზოგადოებრივი წესრიგის უზრუნველსაყოფად;

3.7. დაუყონებლივ აცნობოს სამართალდამცავ ორგანოებს სამართალდარღვევის შესახებ და მათი მოსვლამდე უზრუნველყოს შემთხვევის ადგილის ხელშეუხებლობა;

- 3.8. ობიექტზე ხანძრის შემთხვევაში დაუყონებლივ აცნობოს სახანძრო სამსახურს და „დამკვეთს“ ;
3.9. „დაცვა“ პასუხისმგებლობას კისრულობს „დაცვის“ მიერ დაკისრებული მოვალეობების არაჯეროვანი შესრულების შემთხვევაში;
3.10. „დაცვა“ პასუხისმგებლობას არ კისრულობს თუ „დამკვეთმა“ არ შეასრულა ხელშეკრულებით გათვალისწინებული პირობები, პირველადი და შემდგომი მოკვლევის აქტების მოთხოვნები;

მუხლი 4. ფორს-მაჟორი

4.1. მხარეები თავისუფლდებიან წინამდებარე ხელშეკრულებით გათვალისწინებული ვალდებულებების შესრულებისაგან ფორს-მაჟორული შემთხვევის დროს, რომლის დროსაც შეუძლებელია დაკისრებული მოვალეობების შესრულება;

მუხლი 5. დაცვის სახეობა, საგუშაგოთა განლაგება, საშტატო ერთეულები და დაცვის მომსახურეობის ღირებულება

- 5.1. თვითმართველ ქალაქ ზუგდიდის მუნიციპალიტეტის ა.ა.ი.პ. „კეთილმოწყობის ცენტრი“-ს პარკ-ატრაქციონის „დაცვის“ მომსახურეობის ღირებულება ერთ თვეში შეადგენს 2000 (ორიათასი) ლარი, ერთ უმცროს ინსპექტორზე 500 (ხუთასი) ლარი დ.დ.გ-ს. ჩათვლით.
5.2. ანგარიშწორება მხარეთა შორის მოხდება ყოველი საანგარიშო თვის დასრულებიდან მეორე თვის ათ რიცხვამდე;
5.3. „დაცვის“ მომსახურებაზე საგადასახადო დოკუმენტაციის გამოწერას უზრუნველყოფს შსს სსიპ-დაცვის პოლიციის დეპარტამენტის სამეგრელო-ზემო სვანეთის რეგიონალური დაცვის პოლიციის სამმართველო;

მუხლი 6. ხელშეკრულების მოქმედების ვადა

6.1. ხელშეკრულება ძალაში შედის 2014 წლის 1 აგვისტოდან და მოქმედებს 2014 წლის 31 დეკემბრის ჩათვლით.

მუხლი 7. სხვა პირობები


- 7.1. ხელშეკრულებაში ვადის გაგრძელება და ცვლილებები შეტანილი იქნება „დამკვეთის“ და „დაცვი“-ს მხრიდან ურთიერთშეთანხმების საფუძველზე, სიტყვიერ შეთანხმებას იურიდიული ძალა არ ექნება;
7.2. ხელშეკრულების გაუქმება ვადაზე ადრე შეიძლება მოხდეს მხარეთა შეთანხმებით, ასევე რომელიმე მხარის მიერ ნაკისრი ვალდებულებების შეუსრულებლობის შემთხვევაში, მეორე მხარის წერილობით შეტყობინების საფუძველზე, ორი კვირის გასვლის შემდეგ, შესაბამისი დარღვევის მითითებით;
7.3. ორი თვის დაცვის მომსახურეობის თანხის გადაუხდელობის შემთხვევაში დამკვეთს დაეკისრება პირგასამტეხელოს გადახდა ყოველ ვადაგადაცილებულ დღეზე ხელშეკრულების საერთო ღირებულების 0.2 % ოდენობით.
7.4. სამი თვის დაცვის მომსახურეობის გადაუხდელობის შემთხვევაში დაცვა უფლებამოსილია ცალმხრივად შეწყვიტოს ხელშეკრულება და თანხის ამოღების მიზნით მიმართოს სასამართლოს.
7.5. ძალადაკარგულად ჩაითვალოს 2013 წლის 28 დეკემბრის N 751 ხელშეკრულება.
7.6. ხელშეკრულება შედგენილია ექვს პირად, რომლის ორი პირი ინახება „დამკვეთთან“, ხოლო ოთხი „დაცვაში“;

მხარეთა იურიდიული მისამართები და ანგარიშის ნომრები:

„დ ა მ კ ვ ე თ ი“

თვითმართველ ქალაქ ზუგდიდის მუნიციპალიტეტის ა.ა.ი.პ. „კეთილმოწყობის ცენტრი“-ს
ს/კ N 419992299. ს.ს. „ლიბერთი ბანკი“-ს კოდი: LBRT GE 22 ა/ნ N GE80LB011511247108000

თვითმართველ ქალაქ ზუგდიდის მუნიციპალიტეტის
ა.ა.ი.პ. „კეთილმოწყობის ცენტრი“-ს დირექტორი




/გ. ცავა/



„დ ა ც ვ ა“

შსს სსიპ სამეგრელო-ზემო სვანეთის რეგიონალური დაცვის პოლიციის სამმართველო,
ს/კ N 211350928, ქ. ფოთი, მშვიდობის ქ. N 6 ს.ს. „საქართველოს ბანკი“. ბანკის კოდი: BAGAGE 22
ანგარიშის N GE61BG0000000308831901

რეგიონალური დაცვის პოლიციის
სამმართველოს უფროსი:



/მ.ლიპარტია /

